



**POLELO EA LETONA LA LICHELETE,
MOHLOMPHEHI THABO SOPHONEA**

**HO BAPHATLALATSI LE BATLALEHI BA LITABA
KA 'MOKA OA LIHLOOHO TSA LINAHA LE
MEBUSO TSA MOKHATLO OA NTŠETSO-PELE EA
MORUO OA LINAHA TSA TIKOLOHO E KA BOROA
HO AFRIKA (SADC) O TŠOEROENG KA MARARANG
– RANG**

MAPUTO, MOZAMBIQUE

LA 17 PHATO, 2020

Ke a le lumelisa Baphatlalatsi le Batlalehi ba khabane ba litaba

1. Ka Mantaha oa la 17 Phato, 2020, Lesotho, ka boetapele ba Mohlomphehi Tona-Kholo, Dr Moeketsi Majoro, e bile karolo ea 'Moka oa bo Mashome a Mane, oa Lihlooho tsa Linaha le Mebuso tsa Mokhatlo oa Ntšetso-Pele ea Moruo oa Linaha tsa Tikoloho e ka Boroa ho Afrika (SADC) (**40th SADC Summit**).
2. Lena e bile lekhetlo la pele 'Moka ona o tšoaroa ka marang-rang. Sena se bakiloe ke lefu lena le aparetseng lefatše la Corona Virus (COVID - 19). 'Moka o nkile nako e khutsoanyane haholo. Taba-kholo e bile phetisetso ea marapo a Bolulasetulo; le ho lumellana ka liqeto tse potlakileng. Lihlooho tsa Linaha le Mebuso li lumellane ho ba le 'Moka o tloaelehileng oa selemo le selemo ka Tlhakubele selemong se tlang, 2021, ha maemo a lumela.
3. 'Moka ona o ile oa etelloa pele, ka Labohlano la la 14 Phato, ke Phutheho ea Matona le oa Lihlooho tsa Linaha le Mebuso tsa SADC Lefapheng la Tšebeliso 'moho litabeng tsa Tšireletso le Lipolotiki (SADC Organ Troika Summit). Ke 'Mokeng oo oa Labohlano moo Mohlomphehi Tonakholo a ileg a fana ka Tlaleho ea Lesotho ea Phethahatso ea Liqeto tsa SADC ho Lesotho le Tlhopho –Bocha.

4. Lihlooho tsa Linaha le Mebuso tsa SADC li ile tsa khetha President Filipe Jacinto Nyusi oa Mozambique e le Molulasetulo e mocha oa SADC ha President Lazarus McCarthy Chakwera oa Malawi a khethiloe e le Motlatsi oa Molula-Setulo oa SADC. E tla ba Molulasetulo selemong se tlang (Incoming SADC Chairperson).
5. Lihlooho tsa Linaha le Mebuso li bile tsa khetha President Mokgweetsi E. K. Masisi oa Botswana e le Molula Setulo e mocha oa SADC Organ ha President Matamela Cyril Ramaphosa a khethiloe hoba Molula-Setulo oa SADC Organ oa selemo se tlang (Incoming Organ Chairperson).
6. Mohlomphehi Tonakholo 'moho le President ea mocha oa Malawi, e le Lihlooho tsa Linaha le Mebuso tse neng li qala ho nka karolo 'Mokeng (Summit) oa SADC ba ile ba fuaa monyetla oa ho etsa lipuo tsa tumeliso.
7. 'Moka oa selemo sena o ne o tšoeroe holim'a Mohoo o reng: *“SADC: Lilemo tse Mashome a Mane tsa ho haha Khotso, Tšireletso, Ntlafatso le Boitšematlelo, har'a liphephetso tse tjametseng Lefatše.”* (SADC: 40 years building peace and security; and promoting development and resilience in the face of global challenges).
8. 'Moka o ile oa thoholetsa Mohlomphehi Dr. Moeketsi Majoro ka ho khetheloa ho ba Tona Kholo ea Lesotho, le

ho thoholetsa Lesotho ka phetisetsano e mofuthu ea boetapele.

9. 'Moka oa Lihlooho tsa Linaha le Mebuso o tšetšethile le ho etsa liqeto mabapi le litaba tse amang SADC tse kenyeletsang:

- ✓ Tlaleho ea Molula – Setulo oa SADC Organ;
- ✓ Litlamorao tsa Lefu la Koatsi ea Corona (COVID – 19) moruong le maphelong a lichaba tsa SADC.
- ✓ Moralo oa SADC oa chebelo-pele ka mor'a selemo sena sa 2020;
- ✓ Tlaleho holim'a Phethahatso ea Mohoo oa SADC oa bo-mashome a mararo a metso e robong (39th SADC Summit Theme); e neng ere: *maemo a loketseng moralo o tsitsitseng oa mesebetsi e meholo o kenyelelitseng bohle; keketseho ea khoebisano lipakeng tsa linaha le theho ea mesebetsi (A Conducive Environment for Inclusive and Sustainable Industrial Development, increased intra-regional trade, and job creation)*
- ✓ Kananelo ea Mohoo oa SADC oa bo-mashome a mane (40th SADC Summit Theme) “*SADC: Lilemo tse Mashome a Mane tsa ho haha Khotso, Tšireletso, Ntlafatso le Boitšematlelo, har'a liphephetso tse tjametseng Lefatše.*” (SADC: 40 years building peace and security; and promoting development and resilience in the face of global challenges)

- ✓ Moralo oa khiro ea Mongoli e Moholo oa SADC (Executive Secretary) le Motlatsi oa hae ea ikarabellang Tšebelisanong-'moho ea Tikoloho (Regional Integration). Nako ea bona ea tšebetso e fela ka Phato le Loetse 2021, ka tatellano.
- ✓ Tlhahlobo ea Litumellano tse khothalelitsoeng ke Matona a Molao ho ananeloa le ho tekeneloa.

10. Lihlooho tsa Linaha le Mebuso tsa SADC li entse qeto ea ho amohela Chebelo - Pele ea SADC (SADC Vision 2050) e nang le likokotlelo (Pillars) tse tharo tse latelang, tse ahiloeng holim'a litšia tsa Khotso le Tšireletseho:

- i. Kaho ea Mesebetsi e Meholo le Ntlafatso ea Khoebisano (Industrial Development and Market Integration);
- ii. Ntlafatso ea Litšebeletso tse thusang Tšebelisanong-'moho ea Tikoloho (Infrastructure Development in support of Regional Integration); le
- iii. Kaho ea Sechaba le Batho (Social and Human Capital Development)

11. Har'a liqeto tse nkiloeng ke Lihlooho tsa Linaha le Mebuso e bile ea ho khothaletsa linaha tsa SADC ho etsa matsapa a ho tlotla Bathehi ba SADC (Founders) ka lintho tse kang ho rehella meaho ea bohlokoa ka bona.

KHOTSO!!!!!! PULA!!!!!! NALA!!!!!!